

來已久矣。略○中此山有三神，一曰湯山權現者藥師，一曰三輪大神者毘盧舍那，一曰鹿舌明神者千手大悲也。爾來浴者其病多愈，蓋依佛神加被力乎。承德元年丁丑，天作淫雨，洪水崩山，溺家九十五年後，和州吉野僧仁西詣熊野神，一夕夢神告曰：攝州有間山中有湯，近歲荒廢甚矣，汝可往從事。西曰：以何爲證？神曰：庭樹葉有蜘蛛，宜隨其絲所牽以赴焉。翌旦覺而見果然。既而至中野村，二松下失蜘蛛，西迷道而立，俄有一翁導西登山，投木葉曰：葉落處必是靈地，忽不見翁所之，遂就其攸，開舊跡，浚湯源，建寺及十二坊舍，置守湯人。時建久二年辛亥二月也。享祿元年及天正四年，再罹鬱攸之災，堂舍人屋皆爲鳥有。十三年乙酉，羽紫秀吉公之夫人鼎建寺院，納封田，今之巍然者是也。原夫名山岩谷，其下有石硫黃者，發爲溫泉，又有共出一壑半溫半冷者，又有未砂涌出湯泉者，又有隨潮汐之信而沸者，皆在在有之。中華朝鮮及本朝悉然，或者記所稱呂政之時，驪山神女出溫泉，以洗除瘡疾，則山靈之所爲，亦未必無之。凡天地之際，陰陽之運，水火之交，無處不有之，或蘊伏，或發出，或流行，或停止，及其觸激而寒煖之氣，臭味之性，各有其能毒，於是人身由此有治疾焉，有得疾焉，此天地之五行與人身之五行相感通而無二故也，可不辯乎？本邦之昔，此山本固有神，神既有，則湯泉豈不屬於神哉？所謂湯山神、三輪神、鹿舌神是也，是故舒明孝德行幸之時，未聞有所謂藥師佛云者也。大己貴神少彥名神闢我邦而始製藥術，救民命，則以三輪神爲此山主，固可以爲得其實。其三輪大神者，即是大己貴之謂也。後來行基之徒，假佛名而亂神迹，掠神山而爲僧居，挾恠異之巧詐而欺誣世俗，人人未之覺，遂使闔國之名山皆至於爲伊蒲塞桑門之窟宅，吁惜夫！蓋復其本哉？神者聰明正直而壹者也，我豈媚神而爲此言乎？神夫欲我言耳。余去歲在東武之江戶，患小瘍，旣復故，然氣宇不恒，因是賜公暇入洛，今茲來浴乎湯泉，泉之直出正出者數處，清而鹹，日夜流注而不窮，屢酌而常湛，底石以整，一室板壁間隔，曰一湯，曰二湯，其浴槽方丈許，甚熱，則注寬水以和之，不熱不冷，而得其宜。浴者先手杓酌湯，灑首及肩背，而後入槽，或潛泳，或拍浮，有數婢以監湯，或卑賤無遮之者，浴久不出，則婢呼叱而退之，是行也。余憮御所房以屐遮，無遮者獨入。